

Na osnovu Odluke Senata Univerziteta u Tuzli broj: 03-4173-1-5.1/26 od 03.06.2026. godine, Univerzitet u Tuzli

r a s p i s u j e
INTERNI KONKURS
za izbor u naučno-nastavna zvanja

Raspisuje se Interni konkurs za izbor u naučno-nastavna zvanja na fakultetu Univerziteta u Tuzli kako slijedi:

Rudarsko-geološko-građevinski fakultet

Nastavnik u sva naučno-nastavna zvanja za užu naučnu oblast:
“Hidrogeologija“ 1 izvršilac

USLOVI:

Uslovi za izbor u naučno-nastavna zvanja utvrđeni su članom 80. Zakona o visokom obrazovanju (Prečišćeni tekst) ("Službene novine TK", broj: 21/21, 22/21, 5/22, 11/22, 16/22, 5/25 i 14/25) i članom 244. Statuta Univerziteta u Tuzli (Prečišćeni tekst) broj: 03-5695-1-2/23 od 18.10.2023. godine, broj: 03-3905-1-1/24 od 09.07.2024. godine, broj: 03-5111-1-1/24 od 19.09.2024. godine i broj: 03-1596-1-1/26 od 27.02.2026. godine. Statut se može pogledati na web stranici Univerziteta: www.untz.ba.

Uz potpisanu prijavu na konkurs kandidati su dužni dostaviti:

- biografiju (ličnu, koja *sadrži* i podatke o prethodno završenom/im ciklusom/ima studija/stečenom zvanju, sa podacima gdje i kada su stečeni, kratak opis kretanja u službi, sa nazivom poslova koje je obavljao, pohvale, nagrade i druga priznanja),
- dokaze o ispunjavanju svakog od utvrđenih posebnih uslova, propisanih za izbor u određeno akademsko zvanje i to:

VANREDNI PROFESOR

a) završen stepen trećeg ciklusa studija/doktorat nauka iz odgovarajuće naučne oblasti ili područja;

Dokaz: ovjerena izjava o završenom odgovarajućem trećem ciklusu studija/doktoratu nauka ili diploma o stečenom naučnom stepenu doktora nauka/završenom trećem ciklusu studija i dodatak diplomi stečenoj po bolonjskom sistemu studiranja (original ili kopija ovjerena kod nadležnog općinskog organa ili notara)

b) proveden najmanje jedan izborni period u zvanju docenta;

Dokaz: Uvjerenje Službe za pravne, kadrovske i opšte poslove Univerziteta (original ili kopija ovjerena kod nadležnog općinskog organa ili notara)

c) najmanje pet naučnih radova iz oblasti izbora objavljenih u priznatim publikacijama;

Dokaz: *fotokopije* radova objavljenih u domaćim publikacijama koje su definirane u Registru domaćih publikacija Univerziteta i/ili međunarodnim publikacijama koje prate međunarodne baze podataka

d) objavljena knjiga iz oblasti izbora;

Dokaz: Naučna knjiga/naučna monografija/univerzitetski udžbenik/knjiga (roman, zbirka, pripovjetka i sl.) (za domaće publikacije uvezani primjerak u punom obimu, a za publikacije objavljene u inostranstvu, u štampanoj formi ili elektronskoj formi na web stranici izdavača ili Univerziteta)

e) originalni stručni uspjeh, kao što je projekat, patent ili originalni metod

Dokaz: Kao dokaz za originalni stručni uspjeh kao što je projekat, patent ili originalni metod prilaže se dokaz institucije koja je odobrila isti, sa naznakom naziva i perioda trajanja projekta/naučni članak publiciran kao rezultat projekta/dokaz institucije koja je odobrila patent (original ili kopija ovjerena kod nadležnog općinskog organa ili notara)

a sve nakon sticanja zvanja docenta,

f) uspješno mentorstvo kandidatu za stepen drugog ciklusa studija - odbranjen magistarski rad.

Dokaz: odluka o mentorstvu kandidatu na drugom ciklusu studija, odnosno postdiplomskom studiju, izdata od akreditovane javne visokoškolske ustanove sa podacima: ime i prezime kandidata, naslov rada, datum i mjesto odbrane, kao i dokaz da je magistarski rad odbranjen (original ili kopija ovjerena kod nadležnog općinskog organa ili notara)

DOCENT

a) završen stepen trećeg ciklusa studija/doktorat nauka iz odgovarajuće naučne oblasti ili područja;

Dokaz: ovjerena izjava o završenom odgovarajućem trećem ciklusu studija/doktoratu nauka, a za prvi izbor u zvanje docenta diploma o završenom odgovarajućem trećem ciklusu studija/doktoratu nauka i dodatak diplomi stečenoj po bolonjskom sistemu studiranja, odnosno uvjerenje ukoliko visokoškolska ustanova nije izdala diplomu o stečenom naučnom/stručnom stepenu kao i potvrda visokoškolske ustanove da diploma nije izdata,

b) najmanje tri naučna rada iz oblasti izbora objavljen u priznatim publikacijama;

Dokaz: fotokopije radova objavljenih u domaćim publikacijama koje su definirane u Registru domaćih publikacija i/ili međunarodnim publikacijama koje prate međunarodne baze podataka
c) pokazane nastavničke sposobnosti.

Dokaz: Potvrda Službe za pravne, kadrovske i opšte poslove Univerziteta da kandidat posjeduje pokazanu nastavničku sposobnost, izdatu od akreditovane visokoškolske ustanove, koja sadrži naziv uže naučne oblasti ili predmete izbora kao i nazive nastavnih predmeta iz kojih je držao nastavu (original ili kopija ovjerena kod nadležnog općinskog organa ili notara)

Napomena: Ukoliko je diploma stečena u inostranstvu kandidat prilaže i rješenje nadležnog organa o nostrifikaciji stečene inostrane isprave (original ili kopija ovjerena kod nadležnog općinskog organa ili notara)

Prijave na Konkurs sa potrebnim dokazima, dostavljaju se u zatvorenoj koverti na adresu: UNIVERZITET U TUZLI, Ul. Dr. Tihomila Markovića br. 1, 75000 Tuzla sa naznakom: "*Prijava na Interni konkurs za izbor u naučno-nastavna zvanja* (navesti naziv fakulteta i uže naučne oblasti na koju se konkuriše) – *NE OTVARATI!*".

Konkurs ostaje otvoren 15 dana od dana objavljivanja.

Nepotpune i neblagovremene prijave neće se uzeti u razmatranje.